



**А**КАФИСТ  
СВЯТИТЕЛЮ  
И ЧУДОТВОРЦУ  
НИКОЛАЮ



## Тропарь, глас 4

Правило веры и образ кротости,/ воздержания учителя/  
яви ты стаду твоему/ Яже вещей Истина./ Сего ради стяжал  
еси смирением высокая,/ нищетой богатая,/ отче священно-  
начальниче Николае,/ моли Христа Бога, // спасися душам  
нашим.

## Кондак, глас 3

В Мирех, святе, священнодействитель показался еси,/ Христово бо, преподобне, Евангелие исполнив,/ положил  
еси душу твою о людех твоих/ и спасл еси неповинныя от  
смерти./ Сего ради освятился еси, // яко великий тайнник  
Божия благодати.



# АКАФИСТ

СВЯТИТЕЛЮ И ЧУДОТВОРЦУ НИКОЛАЮ,  
АРХИЕПИСКОПУ МИР ЛИКИЙСКИХ

## Кондак 1.

Возбранный Чудотворче и изрядный угóдниче Христóв, мíру все́му источая́я многоце́нное мило́сти мíро и неисчерпа́емое чуде́с мо́ре, восхваля́ю тя любóвию, святíteлю Никóлае. Ты же, я́ко имéяй дерзнове́ние ко Го́споду, от вся́ких мя бед свободí, да зову́ ти:

**Ра́дуйся, Никóлае, вели́кий Чудотворче.**

## Икос 1.

А́нгела о́бразом, земна́го суща естество́м яви́ тебе́ всея́ тва́ри Созда́тель; благопло́дную бо добро́ту души́ твоея́ провiде́в, преблаже́нне Никóлае, научи́ всех вопiти тебе́ си́це:

Ра́дуйся, от утробы́ ма́терния очище́нный; ра́дуйся, да́же до конца́ освяще́нный.

Ра́дуйся, ро́ждением своимъ роди́телей удиви́вый; ра́дуйся, си́лу душе́вную а́бие по ро́ждестве́ яви́вый.



Ра́дуйся, са́де земли́ обетова́ния; ра́дуйся, цвѣте Божѣственнаго саждѣнія.

Ра́дуйся, лозо́ добродѣтельная винограда Христо́ва; ра́дуйся, дре́во чудото́чное ра́я Иисúсова.

Ра́дуйся, крѣ́не ра́йскаго прозябѣ́ния; ра́дуйся, ми́ро Христо́ва благоуха́ния.

Ра́дуйся, я́ко тобо́ю отгони́тся рыда́ние; ра́дуйся, я́ко тобо́ю прино́сится ра́дование.

**Ра́дуйся, Нико́лае, вели́кий Чудотво́рче.**

## **Кондак 2.**

Ви́дяще твои́х мир излия́ние, богому́дре, просвещаемся душа́ми и телесы́, дѣвнаго тя мирото́чца живонóсна, Нико́лае, разумѣюще; чудесы́ бо я́ко вода́ми, благодати́ю Бóжиею излива́ющимися, напая́еши ве́рно вопи́ющих к Бо́гу: Аллилу́иа.

## **Икос 2.**

Ра́зум неуразумѣнный вразумля́я о Святѣ́й Тро́ице, был еси́ в Никѣи со святы́ми отцы́ побóрник исповѣ́дания правосла́вныя ве́ры. Ра́вна бо Отцу́ Сы́на исповѣ́дал еси́, соприсносу́щна и



сопрестольна, А́риа же безу́мнаго обличи́л еси́.  
Сего́ ра́ди ве́рнии научи́шася воспева́ти тебѣ:

Ра́дуйся, вели́кий благоче́стия сто́лпе; ра́дуйся, ве́рных прибе́жища гра́де.

Ра́дуйся, твёрдое Правосла́вия укрепле́ние; ра́дуйся, честное́ Пресвяты́я Трои́цы носило́ и похвалéние.

Ра́дуйся, Отцу́ равночестна́ Сы́на пропове́да-  
вый; ра́дуйся, А́риа возбесивша́гося от Собора́  
святы́х отгна́вый.

Ра́дуйся, о́тче, о́тцев сла́вная красото́; ра́дуйся,  
всех богому́дрых премудра́я добро́то.

Ра́дуйся, о́гненная́ словеса́ испуща́яй; ра́дуйся,  
до́бре ста́до своё наставля́яй.

Ра́дуйся, я́ко тобою́ ве́ра утвержда́ется; ра́дуйся,  
я́ко тобою́ е́ресь низлага́ется.

**Ра́дуйся, Нико́лае, вели́кий Чудотворче.**

### Кондак 3.

Си́лою, да́нною ти свѣ́ше, слезу́ вся́ку отъя́л  
еси́ от лица́ лю́те стра́ждущих, богонóсне о́тче  
Нико́лае – а́лчущим бо яви́лся еси́ корми́тель, в  
пучи́не морсте́й су́щим изря́дный прави́тель, не-  
ду́гующим исцелéние и всем вся́к помо́щник по-  
каза́лся еси́, вопи́ющим Бо́гу: Аллилу́иа.



### Икос 3.

Имѣяше войстинну, ѡтче Никѡлае, с небесѣ  
песнь тебѣ воспевáема бѣти, а не от земли;  
како бо кто от человекъ возмѡжет твоея святѣни  
величїя проповѣдати? Но мы, любѡвию твоєю  
побеждаѣми, вопїемъ ти сїце:

Рáдуйся, ѡбразе агнцевъ и пáстырей; рáдуйся,  
святѡе очистїлище нравовъ.

Рáдуйся, добродѣтелей великихъ вместилище;  
рáдуйся, святѣни чїстое и честнѡе жилище.

Рáдуйся, светїльниче всесвѣтлый и  
вселюбїмый; рáдуйся, свѣте златозáрный и  
непорѡчный.

Рáдуйся, достѡйный Ангеловъ собесѣдниче;  
рáдуйся, дѡбрый человекѡвъ настáвниче.

Рáдуйся, прáвило вѣры благочестївыя; рáду-  
йся, ѡбразе крѡтости духѡвныя.

Рáдуйся, яко тобою от страстѣй телесныхъ  
избавляѣмся; рáдуйся, яко тобою сладостей  
духѡвныхъ исполняѣмся.

**Рáдуйся, Никѡлае, великий Чудотвѡрче.**

### Кондак 4.

Буря недоумѣния смущáетъ ми умъ, како  
достѡйно есть пѣти чудеса твоя, блаженне



Нико́лае; никто́же бо мо́жет я исче́сти, а́ще бы и мно́ги язы́ки имéл и глаго́лати восхотéл; но мы дивно́ Бо́гу, в тебé прославля́ющемуся дерза́ем воспевáти: **Аллилу́иа.**

#### **Икос 4.**

Слы́шаша, богому́дре Нико́лае, б́лижнии и да́льнии вели́чие чудéс твои́х, я́ко по во́здуху лёгкими́ благода́тными крила́ми навы́кл еси́ сущи́х в беда́х предва́ряти, ско́ро от тех изба́вляя всех, вопи́ющих к тебé тако́вая:

Ра́дуйся, изба́вление от печа́ли; ра́дуйся, пода́ние благода́ти.

Ра́дуйся, неча́емых зол прогонíteлю; ра́дуйся, жела́емых благíх насади́телю.

Ра́дуйся, ско́рый утёшителю в бедé сущи́х; ра́дуйся, стра́шный наказáтелю оби́дящих.

Ра́дуйся, чудéс пучи́но, Бо́гом излия́нная; ра́дуйся, за́кона Христо́ва скрижа́ли, богопи́санныя.

Ра́дуйся, крѣпкое па́дающих возведе́ние; ра́дуйся, пра́во сто́ящих утвержде́ние.

Ра́дуйся, я́ко тобо́ю вся́кая лесть обнажа́ется; ра́дуйся, я́ко тобо́ю вся́кая и́стина сбывáется.

**Ра́дуйся, Нико́лае, вели́кий Чудотво́рче.**



## Кондак 5.

Боготѣчная звездá явѣлся есѣ, наставляя по морю плавающих люте, ѣмже смерть предстоѣше вскорѣ иногда, аще не бы ты предстал есѣ призывающим тя в поможь, Чудотворче святѣй Никóлае; ужѣ бо нестыдно бесом летающим и погрузити кораблѣ хотящим запретѣв, отгнал есѣ их, вѣрныя же научѣл есѣ спасающему тобою Бóгу взывати: **Аллилуѣа.**

## Икос 5.

Вѣдеша отроковицы, на брак скверный нищеты ради уготованныя, великое твоѣ к нищим милосердие, преблаженне отче Никóлае, егда старцу родителю их ношью узельцы три злата таяся подал есѣ, самаго со дщерьми избавляя от падения греховнаго. Того ради слышиши от всех сѣце:

Радуйся, милости превеликия сокровище; радуйся, промыслѣния о людех приятилище.

Радуйся, пище и отрадо к тебѣ прибегающих; радуйся, хлѣбе неснедаемый алчущих.

Радуйся, богатство, бедне живущим на зем-



ли́ Бóгом данное; раду́йся, воздв́ижение  
скóрое убóгих.

Раду́йся, б́ыстрое ни́щих услу́шание; раду́йся,  
скорб́ящих при́ятное попеч́ение.

Раду́йся, три́ех дев непорóчный блюсти́телю;  
раду́йся, чистоты́ усéрдный храни́телю.

Раду́йся, ненаде́жных наде́яние; раду́йся, все-  
го́ ми́ра наслажде́ние.

**Раду́йся, Никóлае, вели́кий Чудотво́рче.**

### **Кондак 6.**

Пропове́дует мир весь тебе́, преблаже́нне Ни-  
ко́лае, ско́раго в беда́х засту́пника, я́ко мно́гаж-  
ды во еди́ном часе́ по земл́и путеше́ствующим и  
по мо́рю пла́вающим, предва́ряя, посóбствуеши,  
ку́пно всех от злых сохра́няя, вопи́ющих к Богу:  
**Аллилу́иа.**

### **Икос 6.**

Воссия́л еси́ свет живóтный, избавле́ние нося́  
воево́дам, неправедную́ смерть при́яти имúщим,  
тебе́, до́брый па́стырю Никóлае, призыва́ющим,  
егда́ вско́ре я́влься во сне царéви, устраши́л еси́  
его́, сих же неврежде́нных отпу́стити повелéл



есі. Сего ради с ними купно и мы благодарственно вопиём ти:

Радуйся, усердно призывающим тебя помогаая;  
радуйся, от неправеднаго убиения избавляая.

Радуйся, от лестных сохраняая клеветы;  
радуйся, неправедныя разрушая советы.

Радуйся, растерзая лжу яко паучину; радуйся, возношая славно истину.

Радуйся, неповинных от уз разрешение;  
радуйся, и мертвецев оживление.

Радуйся, проявителю правды; радуйся, помрачителю неправды.

Радуйся, яко тобою неповиннии избавлени от меча;  
радуйся, яко тобою насладишася света.

**Радуйся, Никóлае, великий Чудотворче.**

### Кондак 7.

Хотя́ богохульное еретическое отгнати злосра́дие, миро воистинну́ благовонное, таинственное явился еси́, Никóлае; лю́ди мирейския упасл еси́ и весь мир своимъ благодатнымъ миромъ исполнил еси́. И от нас убо богомерзкое греховное злосра́дие отжени́, да благоприятно Бо́гу вопиём: **Аллилу́иа.**



## Икос 7.

Но́ваго тя Но́я, наставля́ника ковче́га спаси́тельнаго разумее́м, о́тче святы́й Нико́лае, бу́рю всех лю́тых разгоня́ющаго направле́нием сво́им, тишинú же Божество́нную принося́щаго вопи́ющим тако́ва́я:

Ра́дуйся, обу́рева́емых т́хое пристáнище; ра́дуйся, утопа́ющих изве́стное храни́лище.

Ра́дуйся, пла́вающих посреде́ пучи́н до́брый ко́рмчий; ра́дуйся, трево́лнения морска́я уставля́ющий.

Ра́дуйся, превожде́ние сúщих в ви́хрех; ра́дуйся, согре́яние сúщих во мрáзех.

Ра́дуйся, сия́ние, ско́рбный мрак разгоня́ющее; ра́дуйся, свети́ло, вся концы́ земли́ просвещáющее.

Ра́дуйся, от бездны́ грехо́вныя челове́ки избавля́яй; ра́дуйся, в бездну́ а́дскую сатанú вверга́яй.

Ра́дуйся, я́ко тобо́ю дерзнове́нно бездну́ милосёрдия́ Бо́жия призывáем; ра́дуйся, я́ко тобо́ю от пото́па гне́ва избáвльшеся, мир с Бо́гом обрета́ем.

**Ра́дуйся, Нико́лае, вели́кий Чудотворче.**



## Кондак 8.

Странный чюдъ является притекающим к тебе, блаженне Николае, священная твоя церковь: в ней бо и малое моление приносяще, велиих недугов приемлем исцеление, аще токмо по Бозе упование на тя возложим, верно вопиюще: **Аллилуиа.**

## Икос 8.

Весь еси всем воистину помощник, богоносе Николае, и собрал еси вкупе вся прибегающия к тебе, яко свободитель, питатель и врач скорый всем земным, на похвалу всех подвизая вопити к тебе сие:

Радуйся, всяких исцелений источниче; радуйся, люте страждущим помощниче.

Радуйся, заре, сияющая в ночи греховней блуждающим; радуйся, росе неботочная в знои трудов сущим.

Радуйся, подавая требующим благостроение; радуйся, уготовляя просящим изобилие.

Радуйся, многажды прошение предваряя; радуйся, старым сединам силу обновляя.

Радуйся, многих заблуждших от пути истин-



наго обличителю; радуйся, таин Божиих верный служителю.

Радуйся, яко тобою зависть попираем; радуйся, яко тобою благонравное житие исправляем.

**Радуйся, Никóлае, великий Чудотворче.**

### **Кондак 9.**

Всякия утоли болѣзни, великий наш заступниче Никóлае, растворяя благодатная врачевания, услаждающая души наша, сердца же веселящая всех усердно к помощи твоей притекающих, Богу же вопиющих: **Аллилуиа.**

### **Икос 9.**

Ветия суемудренныя нечестивых видим тобою посрамленныя, богомудре отче Никóлае. Ариа бо хульника, разделяюща Божество, и Савеллиа, смешаяща Святую Троицу, препрел, нас же во Православии укрепил еси. Сего ради вопием ти сице:

Радуйся, щите, защищай благочестие; радуйся, мечу, посекай злочестие.

Радуйся, учителю Божественных велений; радуйся, губителю богопротивных учений.



Ра́дуйся, лѣствице, Бѳгом утверждѣнная, ёюже восхѳдим к небесѳ; ра́дуйся, покрѳве, Бѳгом зданный, ѳмже покрыва́ются мнѳзи.

Ра́дуйся, немѳдрых умудрѳвый твоѳми словесѳ; ра́дуйся, ленѳвых подвѳгнувый твоѳми нра́вы.

Ра́дуйся, свѣтлосте за́поведей Бѳжиих неугасѳмая; ра́дуйся, лучѣ оправда́ний Господних пресвѣтлая.

Ра́дуйся, я́ко учѣнием твоѳм сокруша́ются еретическѳя главы́; ра́дуйся, я́ко тобо́ю вѣрнии сподобля́ются сла́вы.

**Ра́дуйся, Никѳлае, вели́кий Чудотво́рче.**

### **Кондак 10.**

Спасти́ хотѳ дѳшу, плоть твою́ дѳхови покорѳл есѳ войстинну, ѳтче наш Никѳлае. Молча́ньми бо прѣжде и борѣньми с по́мыслы, дея́нию богомы́слие приложѳл есѳ, богомы́слием же ра́зум соверше́н стяжа́л есѳ, ѳмже дерзнове́нно с Бѳгом и А́нгелы бесе́довал есѳ, всѣгда вопи́я: Аллилу́иа.

### **Икос 10.**

Стена́ есѳ похваля́ющим, преблаже́нне, чудеса́



твоя и всем к заступлению твоему прибегающим; темже и нас, в добродетели убогих, от нищеты, напасти, недугов и нужд различных свободдай, вопиющих ти с любовью таковая:

Радуйся, от убожества вѣчнаго изымая; радуйся, богатство нетленное подавая.

Радуйся, брашно негиблющее алчущим правды; радуйся, питие неисчерпаемое жаждущим жизни.

Радуйся, от мятѣжа и брани соблюдая; радуйся, от уз и пленения свободдай.

Радуйся, преславный в бедѣх заступниче; радуйся, превеликий в напѣстех защитниче.

Радуйся, многих от погѣбели исхитивый; радуйся, безчисленных невредѣнно сохранивый.

Радуйся, яко тобою лютыя смѣрти грѣшнии избегают; радуйся, яко тобою жизнь вѣчную кающися получают.

**Радуйся, Никѣлае, великий Чудотворче.**

### **Кондак 11.**

Пѣние Пресвятѣй Троице паче иных принѣсл еси, преблаженне Никѣлае, умом, словом



и дѣлом. Многимъ бо испытаниемъ правовѣрная повелѣния уяснилъ еси, вѣрою, надеждою и любовью наставляя насъ въ Троице Единому Богу воспевати: **Аллилуиа.**

### **Икос 11.**

Светозърную лучу во мраце жития сущимъ неугасимую видимъ тя, Богомъ избранне отче Николает. С невещественными бо ангельскими свѣты бесѣдуеши о несозданномъ Троическомъ свѣте, вѣрныхъ же души просвѣщаеши, вопиющихъ ти таковая:

Радуйся, озарение Трисолнечнаго свѣта; радуйся, деннице незаходимаго солнца.

Радуйся, свеще, Божественнымъ пламенемъ возжѣнная; радуйся, яко угасилъ еси бесовскій пламень нечестия.

Радуйся, свѣтлое правовѣрия проповѣдание; радуйся, доброзрачное свѣта евангельскаго сияние.

Радуйся, молние, ереси пожигающая; радуйся, грѣме, устрашающий соблазняющия.

Радуйся, истиннаго начителю разума; радуйся, таинственнаго изъяснителю ума.



Ра́дуйся, я́ко тобо́ю попра́ся покло́нение тва́ри;  
ра́дуйся, я́ко тобо́ю научи́хомся покло́няться  
Творцу́ в Тро́ице.

**Ра́дуйся, Нико́лае, вели́кий Чудотво́рче.**

### **Кондак 12.**

Благода́ть, да́нную ти от Бо́га, све́душии,  
ра́дующеся твою́ па́мь прáзднуем по до́лгу,  
пресла́вный о́тче Нико́лае, и к чу́дному  
заступле́нию твоemú вседу́шно притека́ем;  
пресла́вных же твои́х дея́ний, я́ко песка́ морска́го  
и мно́жества звéзднаго исче́стї не могу́ще,  
недоуме́нием объ́яти б́вше, вопи́ем к Бо́гу:  
**Аллилу́иа.**

### **Икос 12.**

Пою́ще тво́я чудеса́, восхваля́ем тя, всехва́льне  
Нико́лае: в тебе́ бо Бог, в Тро́ице прославля́емый,  
дивно́ просла́вился. Но аще и попере́мнóгу  
соста́вленныя от ду́шї псалмы́ и пе́сни принóсим  
ти, Чудотво́рче святы́й, ничто́же творим ра́вно  
дарова́нию чудес твои́х, їмже уди́вляющеся,  
вопи́ем к тебе́ тако́вая:

Ра́дуйся, Царя́ ца́рствующи́х и Го́спода госпа́д-  
ствующи́х служи́телю; ра́дуйся, служи́телей



Его небесных сожителю.

Радуйся, людем верным поможение; радуйся, рода христианскаго возвышение.

Радуйся, победы тезоименитый; радуйся, венценосче нарочитый.

Радуйся, всех добродетелей зеркало; радуйся, всех притекающих к тебе крепкое забрало.

Радуйся, по Бозе и Богородице все наше упование; радуйся, телес наших здравие и душ спасение.

Радуйся, яко тобою от вечныя смерти свободаемся; радуйся, яко тобою безконечныя жизни сподобляемся.

**Радуйся, Николае, великий Чудотворче.**

### **Кондак 13.**

О пресвятый и пречудный отче Николае, утешение всех скорбящих, нынешнее наше прими приношение и от геенны избавитися нам Господа умоли богоприятным твоим ходатайством, да с тобою воспеваем: **Аллилуиа.**

*Этот кондак читается трижды.*

### **Икос 1.**

Ангела образом, земнаго суща естеством



яві тебе всея твѣри Создатель; благоплѣдную  
бо добрѣту души твоея провидев, преблаженне  
Никѡлае, научи всех вопити тебе сѣце:

Радуйся, от утрѣбы матерня очищенный;  
радуйся, даже до конца освященный.

Радуйся, рождением своим родителей  
удививый; радуйся, силу душевную абие по  
рождестве явивый.

Радуйся, саде земли обетования; радуйся,  
цвете Божественнаго саждения.

Радуйся, лозѡ добродетельная винограда  
Христова; радуйся, древо чудотѣчное райа  
Иисусова.

Радуйся, крѣне райскаго прозябения; радуйся,  
миро Христова благоухания.

Радуйся, яко тобою отгонится рыдание;  
радуйся, яко тобою приносится радование.

**Радуйся, Никѡлае, великий Чудотворче.**

### Кондак 1.

Возбранный Чудотворче и изрядный угѣдни-  
че Христов, миру всему источаяй многоценное  
милости миро и неисчерпаемое чудес море, вос-  
хваляю тя любовию, святителю Никѡлае. Ты же,



яко имѣяй дерзновѣние ко Гóсподу, от всяких мя бед свободѣ, да зову ти:

**Рáдуйся, Никóлае, вели́кий Чудотвóрче.**

### **Молитва.**

О всесвятѣй Никóлае, угóднице преизрѣд-  
ный Госпóдень, тѣплый наш заступниче, и вездѣ  
в скóрбех скóрый помóщниче! Помози ми (имя),  
грѣшному и унылому, в настоящем сем житиѣ,  
умоли Гóспода Бóга даровати ми оставлѣние всех  
моѣх грехóв, елико согрѣших от юности моея, во  
всем житиѣ моём, дѣлом, слóвом, помышлѣнием  
и всѣми моѣми чúвствы; и во исхóде души моея  
помози ми, окаянному, умоли Гóспода Бóга, всея  
твáри Содѣтеля, избáвити мя воздúшных мы-  
тáрств и вѣчнаго мучѣния, да всегда прославляю  
Отца и Сýна и Святаго Дúха и твоѣ мѣлостивное  
предстáтельство, ныне и прѣсно и во вѣки векóв.  
Ами́нь.

### **Вѣличание.**

Велича́ем тя,/ святѣтелю óтче Никóлае,/ и чтим святую пáмять твою://  
ты бо мо́лиши за нас Христа́ Бóга нáшего.